

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 407012 21 St
Tuzla, 11.02.2022. godine

Općinski sud u Tuzli, sudija Ilvana Delić kao stečajni sudija u stečajnom postupku nad stečajnim dužnikom **„SABCOM“ d.o.o. Tuzla, za proizvodnju, promet i usluge, export-import, ul. Sarajac 21, Simin Han**, nakon provedenog stečajnog postupka donio je dana 11.02.2022. godine slijedeće

R J E Š E N J E

OTVARA SE stečajni postupak nad imovinom dužnika **„SABCOM“ d.o.o. Tuzla, za proizvodnju, promet i usluge, export-import, ul. Sarajac 21, Simin Han**, matični broj subjekta 1-14094, JIB: 4209839570008, račun broj: 132100200225702 otvoren kod NLB bank d.d Sarajevo.

Za stečajnog upravnika imenuje se Maja Musemić iz Tuzle, ul. Maršala Tita 60.

ZAKLJUČUJE SE stečajni postupak nad imovinom dužnika **„SABCOM“ d.o.o. Tuzla, za proizvodnju, promet i usluge, export-import, ul. Sarajac 21, Simin Han**, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 407012 21 St od 30.09.2021. godine, pokrenut je prethodni postupak radi utvrđivanja uslova za otvaranje stečajnog postupka nad imovnom društva **„SABCOM“ d.o.o. Tuzla, za proizvodnju, promet i usluge, export-import, ul. Sarajac 21, Simin Han**, a za privremenog stečajnog upravnika imenovana je Maja Musemić iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 29.10.2021. godine. Iz izvještaja privremenog stečajnog upravnika proizilazi da društvo ne obavlja poslovnu djelatnost duži niz godina, dok od 2009. godine ne ostvaruje prihode. Slijedom iznesenog dana 06.08.2012. godine Općinski sudu u Tuzli donio je rješenje o prestanku rada društva. Na dan otvaranja prethodnog postupka u društvu je zaposlen jedan zaposlenik i to direktor Begić Nurija koji je evidentiran u Poreznoj upravi. IZ izvještaja proizilazi da društvo nema imovine, a transakcijski račun je ugašen i na njemu nema sredstava. što se tiče obaveza dužnika isti nema kreditnih zaduženja niti obaveza prema dobavljačima. Iznos obaveza prema knjigovodstvenoj evidenciji odnosi se na neisplaćene plaće prema radnicima i obaveze za PIO i ostale doprinose u iznosu od 41.677,00 KM. Od navedenog iznosa a prema uvjerenju Porezne uprave od 14.10.2021. godine dug prema Poreznoj upravi iznosi 17.014,84 KM. Dakle, privremeni stečajni upravnik nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti, da postoji stečajni razlog za otvaranje stečajni postupka predviđen članom 6. stav 2. i članom 102. Zakona o stečaju.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 29.11.2021. godine pozvao predlagача, povjerioca i sva zainteresovana lica da u roku od 30 dana od dana objavljivanja poziva u službenim novinama uplate iznos od 2.000,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagач, povjerioci i sva zainteresovana lica objavljeno je u Službenim novinama F BiH broj 101/21 dana 15.12.2021. godine, oglasnoj tabli suda dana 30.11.2021. godine i na web stranici suda.

Obzirom da u ostavljenom roku koji je propisan zakonom predlagач, povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

STEČAJNI SUDIJA
Ilvana Delić

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.